

ORIENTERINGSNOTAT

Til: Alver formannskap – møte 07. september 2022

Frå: Kommunedirektøren

Dato: 01. september 2022

Tema: Forureining Hjelmås, dekkdeponi – status pr august '22

I oktober 2021 inngjekk Alver kommune ein intensjonsavtale med innovasjonsnettverket NOSCA. Dette er eit nettverk av verksemder og andre aktørar som saman jobbar for å utvikle ny teknologi og tenester innanfor marin forsøpling. Avtalen går ut på at NOSCA gjennomfører eit forprosjekt rundt dekkdeponiet på Hjelmås, der kommunen kan bruke resultata til å gjennomføre ei konkret opprydding. For å gjennomføre forprosjektet søkte NOSCA om økonomisk støtte hjå Handelens Miljøfond (HMF), men i desember kom det ei tilbakemelding om at søknaden ikkje fekk støtte.

NOSCA jobba likevel vidare med å sjå andre finansieringsløyser og moglegheiter for å gjennomføre eit forprosjekt. Dei fekk avklaring på at dei har fått støtte til eit forskningsprosjekt i juni 2022. I samband med dette har NOSCA vore i dialog med Alver kommune om aktuelle referanseområde til Hjelmåsvågen. Det er viktig for NOSCA at dei har oversikt over område som kan nyttast i prosjektet og får dei naudsynte avklaringane vedrørande bruk og ferdsel i områda som vert plukka ut.

Det blir samstundes lyst ut eit konkurransegrunnlag for anskaffing av uavhengig miljørådgjevar for Alver kommune. Det er viktig å fram eit kunnskapsgrunnlag om tilstand på deponiet og sjøområda rundt, før ein skildrar aktuelle tiltak. Ein del av bestillinga er å utarbeide hovudrapport med tiltaksplan der ein samanstillar resultat frå utførte undersøkingar og målingar, gjer risikovurderingar og tilrår aktuelle tiltak. Den valde rådgjevaren skal også bistå Alver kommune med å gjere klart konkurransegrunnlag for gjennomføring av valde tiltak.

Målet er at kartlegginga skal gje svar på om dekkdeponiet kan handterast som ei rein forureiningssak med kjente metodar for opprydding eller om tilstanden er av ein slik karakter at det må utviklast nye måtar for å gjennomføre opprydding på ein forsvarleg måte. Om det er behov for å utvikle nye måtar og metodar vil også eit samarbeid med NOSCA kunne vere aktuelt.

Kommunen kan søke Handelens Miljøfond om midlar til utgreiinga. Kommunen har vore i kontakt med HMF direkte og gjer avklaringar knytt til søknadsprosessen.

Anbudsgrunnlaget vert lyst ut medio september '22. Svar er venta å komme inn i løpet av 4 veker frå utlysning.